

Velferðarsvið Reykjavíkurborgar, kt. 530269-7609, Borgartúni 12-14 Reykjavík og **nafn sveitarfélags (kennitala, heimilisfang)** gera með sér svohljóðandi

## Samning um greiðslu gistináttgjalds í neyðarathvörfum Reykjavíkurborgar fyrir utangarðsfólk

Reykjavíkurborg rekur tvö neyðargistiskýli fyrir húsnæðislausu einstaklinga. Gistiskýli að Lindargötu er ætlað húsnæðislausum karlmönnum en Konukot, sem rekið er í samstarfi við Rauða krossinn í Reykjavík, er ætlað konum. Dvöl í neyðargistiskýlum er tímabundin á meðan verið er að vinna að lausn á húsnæðisvanda gesta og er þjónustan þeim að kostnaðarlausu

### 1. gr.

#### Þjónusta sem samið er um

Einstaklingar með lögheimili í **nafn sveitarfélags** fá aðgang að Gistiskýlinu á Lindargötu og í Konukoti á meðan húsrúm leyfir, þó þannig að gætt skuli að öryggi gesta og starfsmanna hverju sinni. Utangarðsfólk með lögheimili **nafn sveitarfélags** hafa sama forgang að rýmum og reykvískir einstaklingar á meðan húsrúm leyfir.

**Nafn sveitarfélags** tilnefnir sérstakan tengilið annarsvegar við Gistiskýlið og hins vegar við Konukot. Tengiliðir og forstöðumenn koma sér upp reglubundnu samstarfi á meðan unnið er að lausn á húsnæðisvanda gesta.

Gengið er út frá því að málefni þeirra **nafn sveitarfélags** einstaklinga sem þurfa á neyðargistingu að halda í Reykjavík séu til virkrar meðferðar hjá **nafn sveitarfélags** og kapp sé lagt á að finna umræddum einstaklingum viðunandi húsnæðisúrræði sem allra fyrst.

Forstöðumenn Gistiskýlis og Konukots upplýsa tengiliði hjá **nafn sveitarfélags** um þá einstaklinga sem gista í Gistiskýli og Konukoti og aðilar tryggja að gott samstarf sé um málefni þeirra einstaklinga sem um ræðir.

### 2. gr.

#### Markmið

Markmið samnings þessa er að veita einstaklingum með lögheimili í **nafn sveitarfélags** neyðargistingu og samastað í skamman tíma meðan verið er að leita að lausn á húsnæðisvanda þeirra. Öll þjónusta Gistiskýlis og Konukots er þeim að kostnaðarlausu.

### 3. gr.

#### Lagagrundvöllur

Þjónustan sem samið er um grundvallast á XIII. kafla laga nr. 40/1991 um félagsþjónustu sveitarfélaga með síðari breytingum, varðandi vímuvarnir og aðstoð við einstaklinga með fíknivanda.

#### 4. gr.

##### **Fjárhæðir og greiðslutilhögun**

Samtals greiðir  **nafn sveitarfélags**, velferðarsviði Reykjavíkurborgar kr. 17.500 (Sautjánþúsundogfimmhundruðkrónur) fyrir hverja gistinótt í neyðargistiskýlum Reykjavíkurborgar.

Gistináttagjald skal greiða ársfjórðungslega samkvæmt útsendum greiðsluseðli og fylgja innheimtuleglum Reykjavíkurborgar.

Gistigjaldið er tengt vísitölu neysluverðs til verðtryggingar (grunn 1988) og er uppfært á 3ja mánaða fresti.

Reikninga vegna dvala einstaklinga í neyðargistiskýlinu skal senda á 101-56-530269-7609. Þar skal koma fram kennitala viðkomandi einstaklinga og tímabil dvalar.

#### 5. gr.

##### **Upplýsingagjöf og samráð**

Velferðarsvið Reykjavíkurborgar veitir  **nafn sveitarfélags** upplýsingar um fjölda gesta sem gista í neyðarathvörfum þjónustukaupa í lok hvers rekstrarárs.

Aðilar skulu hafa með sér samráð á samningstímanum um þau atriði sem þeir telja þörf fyrir. Hvor aðili um sig getur boðað til slíks samráðsfundar.

Komi upp sú aðstaða á samningstímanum að velferðarsvið Reykjavíkurborgar telji sér ekki unnt að standa að fullu við skuldbindingar samkvæmt samningi þessum skal  **nafn sveitarfélags** tilkynnt um það án tafar.

#### 6. gr.

##### **Skýrslur, eftirlit og árangur**

Velferðarsvið Reykjavíkurborgar veitir  **nafn sveitarfélags** árlegar upplýsingar um fjölda þeirra  **nafn sveitarfélags** einstaklinga sem sótt hafa neyðargistiskýlin og tímalengd dvalar. Einnig aðrar upplýsingar sem fram munu koma frá neyðargistiskýlum um eftirlit og árangur þjónustunnar sem teknar verða saman á grundvelli þeirra kröfulýsinga sem fylgja úrræðunum.

#### 7. gr.

##### **Þagnarskylda og meðferð upplýsinga**

Varðveita skal með tryggilegum hætti þau gögn er varða persónulega hagi einstaklinga þannig að óviðkomandi aðilar fái ekki aðgang að þeim. Starfsmenn velferðarsviðs eru bundnir þagnarskyldu um málefni einstaklinga í samræmi við gildandi lagaákvæði þar að lútandi.

Þagnarskylda helst þó svo að samningi milli aðila ljúki og einnig ef starfsmenn þjónustusala láta af störfum.

Velferðarsvið Reykjavíkurborgar skal sjá til þess að viðunandi atvikaskráning sé viðhöfð við veitingu þjónustunnar, sbr. 27. gr. upplýsingalaga nr. 140/2012, sem gilda um þjónustuna.

#### **8. gr.**

##### **Vanefndir og riftun**

Komi upp ágreiningur milli samningsaðila um efni samnings þessa og/eða telji aðilar samninginn vanefndan af hálfu gagnaðila, skulu þeir leitast við að jafna ágreining sinni.

Ef um verulegar vanefndir á efni samnings þessa er að ræða geta aðilar rift honum fyrirvaralaust. Vanefnd samnings ber þó ávallt að tilkynna gagnaðila með sannanlegum hætti og gefa honum kost á að bæta úr.

Veruleg vanefnd, sem getur leitt til riftunar samnings, telst t.d. vera vanefndir á greiðslum. Lögmat sjónarmið skulu ávallt vera skilyrði riftunar samningsaðila á samningi þessum.

#### **9. gr.**

##### **Ágreiningsmál**

Rísi mál út af samningi þessum má bera slíkan ágreining undir Héraðsdóm Reykjavíkur.

#### **10. gr.**

##### **Framsal samnings til þriðja aðila**

Samningsaðila er óheimilt að framselja samning þennan til þriðja aðila.

#### **11. gr.**

##### **Breytingar á samningi.**

Samningi þessum verður ekki breytt nema með skriflegu samkomulagi aðila.

#### **12. gr.**

##### **Uppsögn**

Uppsögn samningsins er heimil báðum samningsaðilum með þriggja mánaða fyrirvara. Uppsögn samningsins skal vera skrifleg og skal uppsagnarfrestur hefjst fyrsta dag næsta mánaðar eftir að uppsögn berst.

#### **13. gr.**

##### **Gildistími**

Samningur þessi gildir frá **XXX**.

Samningur þessi er gerður í tveimur eintökum og heldur hvor aðili sínu eintaki.

Reykjavík, **dagsetning**

f.h. velferðarsviðs Reykjavíkurborgar

f.h. nafn sveitarfélags